

বাংলাদেশী নাগরিকদের যুক্তরাষ্ট্র ভ্রমণের জন্য মেশিনে পাঠযোগ্য পাসপোর্টের দরকার নেই

ঢাকা, ২৭শে মে -- যুক্তরাষ্ট্র দুতাবাস জানাচ্ছে যে, ২০০৪ সালের অক্টোবর মাসের পর থেকে যুক্তরাষ্ট্রে ভ্রমণেচ্ছু বাংলাদেশী নাগরিকদের জন্য মেশিনে পাঠযোগ্য পাসপোর্টের দরকার নেই, যেমনটি সংবাদপত্রের খবরে বলা হয়েছে। এসব খবরে বলা হয় যে, যুক্তরাষ্ট্র পররাষ্ট্র দফতরের একজন কর্মকর্তা লস এঞ্জেলেসে এক প্রেস ব্রিফিংয়ে এই তথ্য দেন।

প্রকৃত ঘটনা হলো: যুক্তরাষ্ট্র পররাষ্ট্র দফতরের কর্মকর্তা বলেছিলেন যে, প্রধানত: পশ্চিম ইউরোপের যে সব দেশের সাথে যুক্তরাষ্ট্রের ভিসা ব্যবস্থা তুলে দেয়ার কার্যক্রম রয়েছে সেই সব দেশের নাগরিকদের আগামী ২০০৪ সালের ২৬শে অক্টোবরের পর যুক্তরাষ্ট্র ভ্রমণের জন্য অবশ্যই মেশিনে পাঠযোগ্য পাসপোর্ট থাকতে হবে। এই সব পাসপোর্টে বায়োমেট্রিক সূচক থাকে।

বাংলাদেশের মত যে সব দেশের নাগরিকদের যুক্তরাষ্ট্র প্রবেশের জন্য ভিসা নিতে হয় তাদের বেলায় যুক্তরাষ্ট্র দুতাবাস থেকে বায়োমেট্রিক তথ্য সম্বলিত ভিসা দেয়া হবে। যুক্তরাষ্ট্রের সাম্প্রতিক আইনের আলোকে এই সব পরিবর্তন আনা হচ্ছে। পরিবর্তিত আইনে বলা হয়েছে যে, ২০০৪ সালের ২৬শে অক্টোবর থেকে যুক্তরাষ্ট্রে অস্থায়ীভাবে ভ্রমণে আসা ব্যক্তিদের জন্য বায়োমেট্রিক সনাক্তকরণ ব্যবস্থা সম্বলিত ভ্রমণ কাগজপত্র দরকার হবে।

যুক্তরাষ্ট্র বাংলাদেশ সরকারকে তার নাগরিকদের ভ্রমণ সংক্রান্ত কাগজপত্রের নিরাপত্তা ব্যবস্থা উন্নত করতে উৎসাহিত করছে।

=====

জিআর/ ২০০৩

দ্রষ্টব্য: এই নিরন্ধের ইংরেজি ভাষ্য 'আমেরিকান সেন্টার'-এ প্যাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার' প্রেস সেকশনে (টেলিফোন: ৮৮১৩৪৪০-৮, ফাক্স: ৯৮১৬৭৭; ই-মেইল: ফ্যাক্সিং_বসন্থং-ফ্যাক্সিং.ডৃঃ) যোগাযোগ করুন।